

瘍醫大全



南京中医药大学图书馆版权所有

湯醫大全目錄

卷二十四

前陰部

龜頭腫痛門主論 附方

陰頭癰門主論 附方

魚口便毒橫痃門主論 附方

陰腫如斗門主方

下疳門主論 附方

初婚玉莖傷損門主論



傷寒瘥後內外瘡門主論

囊癰門主論 附方

腎囊風門主論 附方

腎囊生瘡門主方

濕陰瘡門主論

胞漏瘡門主論

陰囊出汗門主方

疝氣偏墜門主論 附方

陰器部



陰吹門主論

陰瘡門主論

附方

陰蜜門主論

附方

陰菌門主論

附方

陰挺門主論

附方

陰癢門主論

陰戶腫突門主論

陰脫門主論

附方

產婦陰戶傷損門主論

附方



陰戶交接出血門主論

陰戶開張門主論

女子新嫁陰戶痛門主論

陰冷門主論

實女無竅門主方



南京中醫藥大學圖書館藏

易醫大全卷二十四

蕪湖顧世澄練江氏纂輯

增錢之栢東陽

男 櫟燮用

前陰部

自外腎起至前陰腎囊止一切癰疽疝症疳蝕背囊
於此部中以便檢閱叅治



南京中医药大学图书馆版权所有

龜頭腫痛門主論

澄

曰龜頭腫痛有因肝經濕熱下注其腫紅脹宜

胆瀉肝湯主之外搽介靈丹有因塗搽春藥交接

違理其腫滲痛宜用松夢茶洗外搽玉紅膏有因

嫖妓變童沾染穢毒其腫紫黯上有黃衣溺管必

痛小便淋瀝否則莖皮收緊包住龜頭卽成袖口

疳瘡亦有龜頭之下紅胞如瘤堅硬亦有所患之

胞如水光亮卽爲雞瘰瘡瘡治之大法以人黃下

之撒毒爲主亦有新婚損傷龜頭腫者以濃甘草

UNIVERSITY OF CHINA
中國醫藥大學圖書館藏

湯洗之搽玉紅膏



聖保羅醫院



龜頭腫痛門方

龜頭腫大硬痛

沈員嶠

用雞蛋三個去黃留蛋清將龜頭插入一灶
時拔出再以捫青布燒灰存性碾末一錢加冰
一分搽上過夜其腫即消

龜頭腫痛

蟹臺二隻炭火炙去皮肉將骨炙酥爲極細末每
一分加冰片一分碾勻細細搽上

又方



鬼饅頭嫩枝

即木蓮蓬

三四兩煎湯薰洗止痛消腫

又方

蝸

牛

焙乾

枯

礬

各等分

碾細濕則乾摻乾則香油調搽

陰頭癰門主論

王肯堂曰陰頭癰生於陰頭

準繩

陰頭癰門主方

驗方

蟹甲爲末雞蛋清調敷



南京中醫藥大學圖書館藏



南京中医药大学图书馆藏

魚口便毒橫痃門主論

陳實功曰左爲魚口右爲便毒兩腿合縫之土名橫

痃 正宗

鬼遺方云腿胫兩處起爲便毒

王肯堂曰便毒生於小腹下兩腿合縫之間其毒初

發寒熱交作腿間腫起疼痛是也夫腎爲作強之

官所藏者精與智也男女大慾不能直遂其志故

敗精搏血留聚經隧乃結爲便毒矣蓋腿與小腹

合縫之間精氣所出之道路也或觸景而動心或



北京中醫藥大學圖書館藏

夢寐而不洩既不得偶合陰陽又不能忘情息念
故精與血交滯而成腫結也初起切不可用寒涼
之藥恐氣血愈滯不得宣通反成大患惟當開鬱
散氣清利熱毒使精血宣暢則自然愈矣

準繩

孫曰商賈中野合不潔淫妓便搆此證或疳瘡或楊
梅者皆由慾火淫熾一旦交合不潔爲淫火冲動
膚腠開通是以受毒初發之時慎不宜以敗毒之
藥瀉之何也毒邪非虛不入若復虛胃氣與毒邪
下陷治之非彌年累月不愈也捷法只宜發汗其

次利小便皮膚腠所感之邪汗易散也陰莖腿縫皆
肝經絡肝腎主下焦又肝主小便使毒邪從小便
中出所治皆順也故治之不旬日便可奏功若會
發汗利小便體厚邪固而不得宣通者乃以破毒
活血調氣之劑攻之俟毒氣宣通隨以補劑托之
亦不失先後著也

陳實功曰左爲魚口右爲便毒總由精血交錯生於
兩腠合縫之間結腫是也

魚口生於左腿兩腠合縫之間便毒生於右腿

兩腠合縫之間生於小腹之下近之陰毛之傍結腫名曰

橫痃又名外疔是也此三症得之於奔走勞役
熱下注者少得之於入房忍精強固不泄或慾
已萌停而不遂以致精血交錯凝滯結而爲腫
毒內攻者多然其毒從便而入亦當從便而出
當散滯行瘀通利大小二便初起宜通水丹逐之
不應用九龍丹山甲內消散七日已後根本堅固
恐其作膿宜用火針法刺之亦妙已出膿者十全
大補湯服之庶易收斂遲則恐生別症難愈謹戒

房事 正宗

又曰因奔走勞役而得者卽用四妙湯補而消之甚
驗

馮魯瞻曰便毒生於小腹下兩腿合縫之間小兒是
肝火肝疳總屬肝經熱毒治宜瀉肝再視血分毒
氣爲之斟酌若大人犯此者多因慾火不能直遂
其志故敗精搏血留聚經隧乃結爲毒治宜散鬱
散氣清利熱毒使精血宣暢則自然愈矣尚有因
交合不潔爲淫火衝動是以受毒所致者治宜先
爲發汗次利小便可也

錦囊